

ՆԵՐՔԻՆ ՏԵՍՈՒԹԻՒՆ

ՎԵՀԱՓԱՌ ՀԱՅՐԱՊԵՏԻ ՀԻՒՄՆԴՈՒԹԻՒՆԸ ԵՒ ՄԱՀԸ

Վեհափառ Հայրապետի վախճանը անսպասելի էր ամենքի համար, որովհետև, Էջմիածնից հասած տեղեկութեանց նայելով, Նորին Սրբութիւնը թէպէտ անկողնին էր ծառայում, բայց շարունակ գործի էր և հիւանդութեան առանձին նշաններ չէր ցոյց տալիս, բացի ծերութեան սովորական թուլութիւնը. մինչև անգամ սամուռայ վերջերը Բիւրականի ամարանոցն էր եղել մի քանի օրով:

Վերջին երեք օրը միայն զդացել էր սրտի արտասովոր թուլութիւն, որի համար բժիշկները քննելով միջոցներ էին ձեռք առել, բայց անակնկալ մահը ի դերն. հանեց նոցա աշխատութիւնը:

Երկուշաբթի առաօտ 'ի տէր հանգեաւ մեծ Հայրապետը:

Մահուան մասին սինօդի պրօկուրորի պաշտօնակատարը հեռագրով յայտնել էր Կովկասի Փոխարքային, իսկ Սինօդը շրջաբերական հրամանագրով լանուռն առաջնորդների պատուիրել էր հոգեհանգիստներ կատարել:

ՀՈԳԵՀԱՆԳԻՍՏՆԵՐ

Թիֆլիսի թեմի առաջնորդ Գեր. Տ. Գարեգին արքեպիսկոպոսի կարգադրութեամբ չորեքշաբթի ամսոյս 30-ին, վանքի աւագ եկեղեցում տեղի ունեցաւ հոգեհանգիստ բոլոր հոգեւորական դասի և տասնեակ հազարաւոր ժողովրդի ներկայութեամբ: Պատարագիչն էր ինքը Ս. Առաջնորդը, հոգեհանգստեան ներկայ էին Կովկասեան Փոխարքան իւր ամուսնով, նահանգապետը

և ամեն պետական հաստատութիւնների ներկայացուցիչներ, բոլոր օտար դաւանութեանց հոգևորականութեան ներկայացուցիչներ, հայոց բոլոր աղօթքին հաստատութիւնների և մամուլի ներկայացուցիչներ և այլն:

Հոգեհանգստից լետոյ ս. Առաջնորդը մի քարոզով թուեց ժողովրդին հանգ. հայրապետի դործունէութեան գլխաւոր կէտերը և շեշտեց այն միտքը, որ առանց Էջմիածնի չի կարող հայ աղօթքը գոյութիւն ունենալ:

Թիֆլիզի ամեն եկեղեցիներում այնուհետև շարունակ հոգեհանգիստներ են կատարուում երեկոները ամենայն օր:

Նոյեմբերի 2-ին, 1 ժամին նոյն տութիւ հոգեհանգիստ կատարուեց թուրքաց մզկիթում, ուր ներկայ էր առաջնորդի կողմից ուղարկուած յատուկ պատգամաւորութիւն՝ մի վարդապետ և 1 քահանայ:

ՊԱՏԳԱՄԱԽՈՐՈՒԹԻՒՆՆԵՐ

Վեհի մահուան օրը դադարեցան քաղաքային Դումալի նիստը և տղային համդէսներն և ներկայացուցիչները ի պատիւ մեծ կորստեան: Եւ ամեն հաստատութիւններ, համայնքներ, թերթեր, ուղարկեցին իրանց ներկայացուցիչները ս. Էջմիածին վեհի թաղման, որ նշանակուած է նոյեմբերի 6-ին, երեքշաբթի օրը: Ներկայացուցիչներ են ուղարկած և փոխարքան, քաղաք. վարչութիւնը, Ներսիսեան դպրոցը, հայ ժխական դպրոցները, հայ ասնաֆները, բոլոր հայ հաստատութիւնները, թերթերը և այլն:

Հայ ասնաֆները ներկայանալով Թիֆլիզի թեմի ս. առաջնորդին՝ վճռել են 12 պատգամաւոր ուղարկել Էջմիածին և վերանորոգել հարիւրաւոր տարիներից ի վեր Թիֆլիսի արհեստաւորների այն կտակը, որ արժանագործուած է ս. Էջմիածնի տաճարի դռան գլխին և որով քաղաքիս արհեստաւորները խոստացել են ամեն տարի մեղրամոմ հասցնել մալր տաճարին: